

Barisan Kabinet berpengetahuan luas

Kuala Lumpur: Barisan Kabinet pimpinan Perdana Menteri, Tan Sri Muhyiddin Yassin dilihat bukan saja berpengalaman tetapi berpengetahuan luas dalam bidang masing-masing serta mempunyai arah tuju yang jelas.

Penganalisis ekonomi dari Universiti Putra Malaysia (UPM), Prof Madya Dr Mohd Yusof Saari berkata, Kabinet baharu di bawah Perikatan Nasional mempunyai kelebihan apabila mereka melihat dengan jelas sebarang kebaikan dan keburukan yang dilakukan kerajaan terdahulu.

“Saya melihat pasukan baharu ini memiliki kelebihan dalam mengurus ekonomi negara. Kebanyakan mereka pernah berada dalam pen-

tadbiran kerajaan Barisan Nasional (BN) dan melihat setiap kebaikan dan keburukan yang dilakukan Pakatan Harapan selama 20 bulan.

“Pada mulanya saya menjangkakan barisan Kabinet pada mulanya dipenuhi muka baharu yang tiada pengalaman, bagaimana-pun jangka-

an saya meleset apabila mereka digabungkan dengan orang berpengalaman dan profesional,” katanya.

Menurutnya, jika 20 bulan yang lalu barisan Kabinet dipenuhi dengan orang baharu dan tidak berpengalaman menjadikan tempoh pembelajaran sedikit mengambil masa hingga menjejaskan sedikit pembangunan negara.

“Ketika ini, saya mengharapkan menteri ini tidak lagi dalam proses pembelajaran, tiada lagi istilah tempoh ‘pembelajaran’ untuk bari-

san pasukan ini kerana risiko untuk tempoh ‘pembelajaran’ mungkin tinggi.

“Sekarang ini kita nak terus ‘speed’ untuk memacu ekonomi dan pembangunan negara yang sedikit terjejas sekarang,” katanya.

Katanya, selain itu, beberapa bidang keutamaan daripada perspektif makroekonomi perlu diberi tumpuan oleh barisan baharu ini.

“Bidang keutamaan ini bukan perkara baharu, tetapi pelaksanaan dan keberkesanan sejak hampir dua tahun lalu agak perlahan.

“Bidang keutamaan itu sudah terangkum secara langsung mahupun tidak langsung dalam Wawasan Kemakmuran Bersama 2030 (WKB 2030) yang perlu diteruskan. Jajaran semula kepada strategi dalam wawasan itu boleh dilakukan jika perlu tanpa mengubah matlamat asalnya,” katanya.



“
Pasukan baharu ini memiliki kelebihan urus ekonomi negara
Dr Mohd Yusof